



**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Argumenta partis affirmantis. Memb. 1.

---

[urn:nbn:de:hbz:466:1-73915](#)

Verbum verò completerur per passiuam dictiōnēm, quæ relatio est realis in Filio, ac Verbo diuino, significata per modum passionis: eam dēmque appellant generationē passiuam. Et quia Verbum ratione ab soluti, quod includit, habet relationem rationis ad creaturas, ut explicatū est, Pater aternus generando, & producendo Verbum per intellectum, non solum dicunt dicere Verbum ipsum, sed etiā creaturas in Verbo, & vniuersim quicquid Verbo cognoscit.

## DISPUTATIO VII.

*Vtrum in rebus creatis verbum mentis distinguatur ab actu intelligendi & an sint idem dicere & intelligere.*

## MEMBRUM I.

## Argumenti partis affirmantis.

**Primo.** In rebus creatis verbum ab actu intelligendi minime distingui, probant Scotus, Durandus, Aureolus & alijs, quos Capreolus in i.d. 27. quæst. 2. refert. Primo, quia hoc est discrimen inter actionem immanentem & transiūtem, quod per hanc producitur aliquid aliud, minime verò per immanentem, qui potius ipsa est id ultimum, quod producitur: sed intellectio actus est immanens: ergo per intellectiōnem nihil producitur ab ea distinctum, quod verbum vocari possit, sed ipsam est verbum. Minor & consequentia patet. Maior probatur, tum ex Aristotele 9. Metaphys. textu 16. expresse constiuentē illud discrimen: id quod etiam innuere vifus est 1. Ethicorum cap. 1. tum etiam quia, quando per actionem aliquid producitur, illud est nobilis ipsa actione, ut Aristoteles docet 1. Ethicorum cap. 1. in homine autem nihil est nobilis actione immanente intellectus & voluntatis: idēc enim Philolophus 1. & 10. Ethicorum constituit felicitatem humānam, tam moralem, quam speculativam, in operatione intellectus & voluntatis, quod præstantissima eorum omnium, quæ nobis insunt, & ad quæ cætra ordinantur, sint eiusmodi operations, sit ergo, ut per actionem immanente nihil aliud producatur.

**Secondo.** Per actionem sentiendi & volendi nihil aliud producitur: ergo neque per actionem intelligendi, sed ipsa est verbum mentis.

**Tertiū.** Si intellectio esset actio, qua producetur verbum, & verbum eam terminaret, sanè contradic̄tio sequeretur, si quis intellegit, & verbum non proferret: haud fecus arque si agens aliquod calefaceret, & calorem non produceret: consequens autem est falsum, non solum quia Filius & Spiritus sanctus in diuinis intelligentiis, & non producunt Verbum (alias generant filium sicut Pater, quod est hereticum) sed etiam, quia beati intuentes diuinam essentiam & Angeli cognoscentes propriam substantiam non producunt verbum: ergo intelligere non est actio, qua producatur verbum, sed ipsam est verbum mentis.

**Quarto.** Si per actum intelligendi producetur verbum, intelligentia, & non memoria secunda, produceret verbum, quod est contra Augustinum multis locis, in quibus nomine intelligit, memorem intelligit, ut iamactu intelligit: nomine verò, memoria secunda, eundem intellectum, ut prius natura, quam intelligat, est in actu primo per specie intelligibilem, aut aliquid, quod concurrere possit ad actum intelligendi instar speciei intelligibilis.

**Quinto.** Si Verbum esset species expressa obiecti produceta per actum intelligendi & ab eo distincta, cum si eiusdem speciei cum specie impressa, & eiusdem obiecti, sanè duo accidentia eiusdem speciei, & de eodem obiecto, essent simul in eodem subiecto, quod est absurdum.

**Sexto.** expressa obiecti species non est necessaria ad intelligendum: ergo admittenda non est, vt sit verbum. Consequens est manifesta: antecedens vero probatur, quia si esset necessaria, certè intellectus affectus iam specie impressa obiecti esset adhuc in potentia essentiali ad intelligendum, quod est absurdum. Sequela probatur, quia tunc aliquid dicitur esse in potentia essentiali, quando non solum est in potentia ad operationem, sed etiam ad formam ei operationi necessariam.

**Septimo.** Si intellectio esset actio, per quam produceretur terminus, fieri non posset, ut percipatur intellectio, quin simul perciperetur terminus illius, sicut fieri nequit, ut intelligatur calefactio, quin simul intelligatur calor, qui per eam producatur: sed nullum videtur esse absurdum, quod percipiat intellectio, nullo interim percepto termino per eam productio: ergo intellectio non est actio, per quam verbum tamquam terminus producatur.

## MEMBRUM II.

*Quatuor de verbo sententiæ, & que earum vera sit.*

Circa hanc disputationem videnda sunt, quæ diximus quæst. 12. articul. 2. disputat. 1. Pretermissa vero opinione Aureoli afferentis, verbum esse ipsam rem intellectam, qua exsistit à parte rei, ut tam appareat in anima. Quatuor sunt de verbo, & de ipsius distinctione ab actu intelligendi sententiæ celebriores.

**DPrima.** Prima est Durandi in 1. dist. 27. quæst. 2. afferentis, verbum non esse aliud, quam actum intelligendi. Rationes vero, quibus id probat, sunt quedam ex iis, quas paulo ante confeccimus. Addit vero, mente dicere, actionem nullam, qua verbum producatur significare, sed esse ipsummet verbum, & intelligere. Dicere namque mente non est aliud, ut vult Durandus, quam mente loqui: hoc autem idem est ac habere in se verbum mentis, arque intelligere, quæ idem profrus apud eundem autorem sunt.

**ESecunda.** Secunda sententia est Scotti in 1. dist. 27. quæst. 1. quam sequens conclusio cotinebit. Verbum re ipsa & ratione sua formalis non est aliud, quam intelligere: dicere vero est actio distincta ab intellectione, per quæ intellectio ipsa, ac verbum producitur. Priori partem conclusionis, in qua coenuntur cum Durando, probat, sicut Durandus, nonnullis rationibus ex his, quas in principio disputationis huius proposuimus.

**FIntelligens.** Pro intelligentia vero posterioris sciendum est apud Scotum (ut ex 1. sententiariis dist. 3. quæst. 6. in tribus questiunculis), quas ad finem huius questionis mouet, est manifestum) intelligere, sentire, velle, & id genus alia, non esse actiones propriæ loquendo: non solum si actio sumatur pro illa, quæ procedit a contrario in contrarium, & quasi opponitur actioni perficiens, quo pacto Aristoteles 2. de anima affirmat, *sensire, & intelligere non esse actiones*: sed etiam si sumatur actio latè, ut complectitur productionem cuiuscumque rei, arque omnem actionem, quæ vel solum perficit subiectum, vel aliiquid amittit. At namque Scotus, sentire, intelligere, & velle, esse qualitates primæ speciei, non vero actiones propriæ loquendo: appellari tamen actiones